



HELAIAN KETERANGAN PRODUK	TAKAFUL IKHLAS FAMILY BERHAD
(Sila baca Helaian Keterangan Produk ini sebelum anda membuat keputusan untuk menyertai IKHLAS Ilhamku. Sila pastikan anda juga membaca terma dan syarat am.)	(Dilesenkan di bawah Akta Perkhidmatan Kewangan Islam 2013 dan dikawal selia oleh Bank Negara Malaysia)
	IKHLAS ILHAMKU
	Tarikh: 25/03/2025

1) Produk apakah ini?

Ini adalah pelan sumbangan berkala takaful keluarga biasa yang menawarkan perlindungan takaful untuk 16 tahun. Amaun perlindungan akan dibayar kepada peserta takaful apabila orang yang dilindungi meninggal dunia dalam tempoh sijil takaful.

Sijil ini juga menyediakan manfaat istimewa seperti Ganjaran Kecemerlangan, Pembayaran Khas dan Pembayaran Nilai Dana dengan objektif berikut:

- Ganjaran Kecemerlangan - untuk mengiktiraf pencapaian orang yang dilindungi dalam bidang pendidikan, pengajian berkaitan al-Quran dan/atau berasaskan kemahiran.
- Pembayaran Khas - untuk memberi bantuan kewangan kepada ibu bapa bagi menampung perbelanjaan tambahan apabila anak melangkah ke pendidikan peringkat menengah.
- Pembayaran Nilai Dana - untuk memberi tumpuan kepada persediaan kewangan untuk masa depan anak.

2) Apakah konsep-konsep syariah yang diguna pakai?

- **Tabarru'** - merujuk kepada sumbangan oleh peserta-peserta takaful ke dalam dana risiko yang bertujuan menyediakan manfaat kewangan bersama yang kena dibayar kepada peserta-peserta takaful atau kepada benefisiari mereka pada masa berlaku sesuatu kejadian yang telah dipersetujui secara bersama. Tabarru' akan berkuat kuasa apabila anda mula menyumbang ke dalam dana risiko.
- **Wakalah** - merujuk kepada kontrak di mana satu pihak, sebagai prinsipal (*muwakkil*) membenarkan pihak lain sebagai ejennya (*wakil*) untuk melaksanakan tugas tertentu dalam hal-hal yang boleh diwakilkan, dengan atau tanpa mengenakan bayaran. Di dalam konteks pihak syarikat, kami dilantik sebagai ejen (*wakil*) untuk melaksanakan perniagaan takaful dan yuran wakalah (*ujrah*) akan dibayar kepada pihak syarikat.

Nota: "pihak syarikat" merujuk kepada Takaful Ikhlas Family Berhad

3) Apakah perlindungan-perindungan/manfaat-manfaat yang ditawarkan?

Manfaat Takaful dan Amaun Perlindungan yang Ditawarkan Adalah Seperti Berikut:

Pelan Asas:

Manfaat Takaful		Amaun Perlindungan (RM)	Tempoh Perlindungan	Penerangan
Kematian akibat semua sebab		150,000	16	Selepas notis kematian orang yang dilindungi dikemukakan, amaun perlindungan asas termasuk baki di dalam dana individu peserta akan dibayar.
Manfaat Ganjaran Kecemerlangan*	Pendidikan	1,000	16	- Amaun perlindungan akan dibayar jika orang yang dilindungi memperoleh keputusan yang memenuhi syarat-syarat tertentu bagi peperiksaan yang diiktiraf oleh Kementerian Pendidikan Malaysia. - Ganjaran tunai tambahan sebanyak RM200 akan diberikan sekiranya orang yang dilindungi berjaya diterima masuk dan mendaftar di universiti yang diiktiraf bagi program ijazah sarjana muda sahaja.
	Pengajian Berkaitan Al-Quran	1,500	16	Amaun perlindungan akan dibayar jika orang yang dilindungi telah menyertai pengajian berkaitan al-quran seperti yang dinyatakan di bawah: - Hafazan 30 Juzu': Program/ sijil yang dikeluarkan oleh Darul Quran. - Tilawah: Penyertaan dalam acara peringkat kebangsaan yang dianjurkan oleh Jabatan Agama Islam kerajaan Malaysia atau acara peringkat antarabangsa yang diiktiraf oleh Jabatan Agama Islam kerajaan Malaysia.
	Berasaskan Kemahiran	1,000	16	Amaun perlindungan akan dibayar jika orang yang dilindungi telah menyertai sama ada sukan peringkat antarabangsa atau memperoleh kelayakan profesional yang diiktiraf dalam bidang muzik.
Pembayaran Khas*		RM150 atau 10% dari Dana Individu Peserta, yang mana lebih tinggi	Pengeluaran pada umur 13 tahun Hari Jadi akan Datang	- Pembayaran Nilai Dana, tertakluk kepada minimum RM1,000 selepas ditolak jumlah kemampunan untuk baki tempoh sijil, yang akan dibayar daripada Dana Individu Peserta. Sila ambil maklum bahawa pembayaran ini tidak dijamin. - Amaun pembayaran tertakluk kepada maksimum RM1,000 dan tertakluk kepada baki RM1,000 dalam Dana Individu Peserta selepas jumlah itu dibayar.
Pembayaran Nilai Dana		Nilai PIF pada umur nilai dana terkumpul ditolak amaun yang diperlukan untuk kemampunan sijil	18	- Bayaran Nilai Dana akan dibayar pada tarikh ulang tahun sijil takaful apabila umur orang yang dilindungi hari jadi berikutnya (ANB) ialah 18. - Pembayaran Nilai Dana, tertakluk kepada minimum RM1,000 selepas ditolak jumlah kemampunan untuk baki tempoh sijil, yang akan dibayar daripada Dana Individu Peserta. Sila ambil maklum bahawa pembayaran ini tidak dijamin.

*Untuk butiran lanjut tentang ganjaran kecemerlangan dan manfaat pembayaran khas, sila rujuk kepada bahagian "Apakah terma-terma dan syarat-syarat utama yang perlu diketahui?"

Rider-Rider Pilihan:

Manfaat Takaful	Amaun Perlindungan (RM)	Tempoh Perlindungan	Penerangan
Payor Rider	Sila Rujuk Ilustrasi Manfaat	5	Jumlah sumbangan takaful masa hadapan akan dibayar ke dalam dana individu peserta sekiranya peserta takaful meninggal dunia, mengalami HUMK dan/atau mengalami/ menjalani mana-mana penyakit kritikal yang dilindungi. Untuk maklumat lanjut berkenaan rider ini, sila rujuk Lampiran Penyakit Kritikal dan Lampiran HUMK .

Nota: Sila rujuk sijil takaful untuk terma dan syarat lengkap yang diguna pakai untuk setiap rider.

4) Berapakah jumlah sumbangan takaful yang perlu dibayar?

Jumlah sumbangan takaful yang perlu dibayar adalah bergantung kepada keperluan pengunderaitan, umur, tempoh, rider, kelas pekerjaan dan perlindungan sijil takaful yang dipilih. Sumbangan takaful anda untuk IKHLAS Ilhamku dan rider-rider (jika ada) adalah seperti berikut:

Anggaran jumlah sumbangan yang perlu dibayar : RM 216.00 Bulanan
 Tempoh sumbangan : sehingga umur **14** tahun

Kami mempunyai hak untuk mengkaji dan menyemak semula sumbangan takaful dengan memberi notis bertulis kepada anda sebelum tempoh tiga puluh (30) hari dari tarikh pelaksanaan.

Nota: Anda telah memilih tempoh pembayaran terhad dimana tempoh pembayaran sumbangan takaful anda akan berakhir lebih awal daripada tempoh perlindungan anda.

5) Apakah yuran-yuran dan caj-caj yang perlu dibayar?

a) Yuran Wakalah

- Yuran wakalah adalah termasuk komisen dan perbelanjaan pengurusan.

	Tahun	1	2	3	4	5	6	7	8	9	10	11 & Ke Atas
Jumlah Yuran Wakalah	RM	1,115	1,103	459	291	138	-	-	-	-	-	-
	%	43.00%	42.54%	17.72%	11.21%	5.31%	0.00%	0.00%	0.00%	0.00%	0.00%	0.00%
a) Komisen	RM	298	222	158	117	77	-	-	-	-	-	-
	%	11.51%	8.56%	6.08%	4.53%	2.98%	0.00%	0.00%	0.00%	0.00%	0.00%	0.00%
b) Perbelanjaan Pengurusan	RM	816	881	302	173	61	-	-	-	-	-	-
	%	31.50%	33.98%	11.64%	6.68%	2.34%	0.00%	0.00%	0.00%	0.00%	0.00%	0.00%

- 5.00% yuran wakalah akan dicaj untuk setiap top-up dan sumbangan takaful untuk **IKHLAS Lestari**.

b) Tabarru'

Tabarru' akan ditolak secara bulanan dari dana individu peserta ke dalam dana risiko. Tabarru' akan meningkat seiring dengan peningkatan usia orang yang dilindungi dan/atau peserta takaful. Butiran tabarru' dan caj-caj lain disertakan dalam ilustrasi manfaat. Tabarru' adalah TIDAK DIJAMIN dan pihak syarikat mempunyai hak untuk menyemak semula tabarru'. Pihak syarikat akan memberikan sekurang-kurangnya tiga puluh (30) hari notis bertulis kepada peserta takaful sekiranya berlaku penyemakan semula tabarru'. Tabarru' boleh diubah sekiranya pengalaman tuntutan semakin meningkat, terdapat perubahan terhadap sebarang manfaat produk dan profil risiko orang yang dilindungi dan/atau peserta takaful. Sebab-sebab untuk perubahan ini adalah tidak terhad dan kadar tabarru' juga boleh disemak semula di atas alasan-alasan lain yang munasabah.

c) **Caj Sijil Takaful**

Caj sijil secara bulanan akan dikenakan mengikut mod bayaran:

Mod Sumbangan	Caj Bulanan
Tahunan	RM8
Setengah Tahunan/ Suku Tahunan/ Bulanan	RM10

d) **Yuran Pengeluaran Sebahagian***

Yuran pengeluaran sebahagian sebanyak RM50 akan dikenakan untuk setiap transaksi pengeluaran tunai.

e) **Yuran Serahan***

Yuran serahan sebanyak RM100 akan ditolak dari dana individu peserta. Jika amaun dana individu peserta semasa serahan adalah kurang dari RM100, amaun sepenuhnya akan diambil sebagai yuran serahan dan tiada amaun akan dibayar semasa serahan.

f) **Yuran Penguatkuasaan Semula***

RM15 akan dikenakan untuk setiap penguatkuasaan semula.

g) **Caj Pengurusan Lebihan (SAC)**

Caj Pengurusan Lebihan (SAC) sehingga 50% dari lebihan kasar boleh-agih yang diisytiharkan pada setiap akhir tahun kewangan akan dikenakan.

h) **Yuran Prestasi Pelaburan**

Yuran Prestasi Pelaburan (IPF) akan dikenakan untuk pendapatan pelaburan yang diperolehi dari dana individu peserta. Peratusan IPF adalah dikenakan sehingga 30% dari pendapatan pelaburan yang diperolehi dari dana individu peserta. Baki pendapatan pelaburan akan diperuntukkan ke dalam dana individu peserta.

* Yuran-yuran ini mungkin akan disemak semula pada masa akan datang dan ianya juga tertakluk kepada sebarang cukai, levi atau caj lain yang dikenakan oleh mana-mana pihak berkuasa di Malaysia.

Nota: Sila rujuk ilustrasi manfaat pelan asas untuk maklumat lanjut.

6) **Apakah terma-terma dan syarat-syarat utama yang perlu diketahui?**

- Kepentingan pendedahan maklumat – anda dikehendaki mendedahkan semua maklumat dan fakta seperti tetapi tidak terhad kepada umur, pekerjaan dan keadaan kesihatan dengan betul. Ini membolehkan wakil anda untuk menasihatkan produk yang sewajarnya yang memenuhi keperluan dan keadaan anda.
- Tempoh bertenang – anda boleh membatalkan sijil takaful dengan mengembalikan sijil takaful tersebut kepada pihak syarikat dalam tempoh lima belas (15) hari selepas sijil takaful dihantar kepada anda. Sumbangan takaful yang telah dibayar selepas ditolak dengan jumlah perbelanjaan perubatan yang dikeluarkan oleh syarikat – sekiranya ada akan dikembalikan dan sijil takaful akan dibatalkan.
- Tempoh ehsan - tempoh ehsan selama tiga puluh satu (31) hari dari tarikh akhir sumbangan takaful untuk membayar sumbangan takaful anda. Sepanjang tempoh ini, sijil takaful akan kekal berkuat kuasa.
- Jika kami tidak menerima sumbangan takaful pada tarikh akhir bayaran dan dengan syarat amaun di dalam dana individu peserta adalah mencukupi, **amaun di dalam dana individu peserta akan ditolak** untuk tabarru' dan caj sijil sehingga amaun di dalam dana individu peserta tidak lagi mencukupi untuk membayar caj-caj tersebut. **Sekiranya berlaku, sijil takaful anda akan luput.** Kebarangkalian sijil takaful menjadi luput akan meningkat sekiranya pengeluaran tunai sebahagian telah dibuat sebelum ini.
- Adalah menjadi keperluan bahawa semua pengeluaran akan tertakluk kepada ujian kemampunan untuk memastikan pengeluaran tersebut tidak memberikan kesan negatif kepada manfaat takaful masa hadapan dan sumbangan takaful masa hadapan di dalam dana individu peserta adalah mencukupi untuk tabarru' dan caj-caj lain sepanjang tempoh sijil takaful anda. Keputusan ujian kemampunan akan diberikan dan diterangkan kepada anda untuk membolehkan anda membuat keputusan untuk pengeluaran.
Amaun minimum dan maksimum untuk transaksi pengeluaran sebahagian adalah seperti berikut :
 - Amaun minimum: RM 1,000.
 - Amaun maksimum: tertakluk kepada baki minimum sebanyak RM1,000 di dalam dana individu peserta selepas pengeluaran.
 - Tahap maksimum pengeluaran adalah sebanyak tiga kali sepanjang tempoh sijil.
 - Setiap transaksi adalah tertakluk kepada yuran pengeluaran seperti yang dinyatakan di seksyen 5.
- Ia mungkin tidak menguntungkan untuk beralih dari satu pelan takaful ke pelan takaful yang lain kerana anda mungkin akan tertakluk kepada keperluan pengunderaitan yang baru, tempoh menunggu sepenuhnya dan sebarang tempoh terpakai bagi pengecualian pada syarat-syarat penyakit tertentu atau penyakit sedia ada untuk sijil takaful yang baru.
- Notis terhadap tuntutan haruslah dibuat secara bertulis kepada syarikat dalam masa tiga puluh (30) hari selepas berlakunya kejadian yang mengakibatkan tuntutan. Setelah notis tuntutan dikemukakan, pihak syarikat akan memberikan borang-borang berkaitan kepada pihak yang melakukan

tuntutan bagi memfailkan bukti tuntutan serta memaklumkan pihak yang menuntut akan keperluan-keperluan lain yang mungkin diperlukan. Walau bagaimanapun, ini tidak akan menghalang pihak syarikat dari meminta dokumen yang selanjutnya mengenai tuntutan tersebut sekiranya didapati perlu. Kesemua maklumat dan bahan bukti ini hendaklah dikemukakan kepada pihak syarikat dalam tempoh tiga puluh (30) hari daripada tarikh berlakunya peristiwa-peristiwa yang dilindungi.

- h. Jika orang yang dilindungi meninggal dunia sebelum mencapai umur lima (5) tahun, amaun perlindungan asas akan dibayar mengikut jadual seperti berikut:

Umur semasa kematian(Hari Jadi Akan Datang)	Peratusan Bayaran Manfaat
1 Tahun	20%
2 Tahun	40%
3 Tahun	60%
4 Tahun	80%
5 Tahun dan ke atas	100%

- i. Manfaat ganjaran kecemerlangan tertakluk kepada syarat-syarat berikut:

1. Jumlah tuntutan maksimum bagi seseorang ialah RM2,700; dan.
2. Hanya satu kategori boleh dituntut bagi setiap amaun yang dinyatakan di dalam jadual dibawah item 3.
3. Ganjaran berkaitan sukan hendaklah berdasarkan parameter syariah:
 - Kejohanan sukan patuh syariah kecuali:
 - Sukan lelaki: akuatik, bina badan, sukan tarian, renang sirip, gimnastik, triatlon dan angkat berat.
 - Sukan perempuan: semua sukan yang dinyatakan di dalam sukan lelaki di atas juga termasuk tenis dan gusti.
 - Aktiviti sukan yang tidak sepatutnya mencemarkan reputasi syarikat sebagai pengendali takaful.
 - Kandungan & genre *e-sports* mestilah bermanfaat untuk pemain dan bebas daripada unsur perjudian dan penipuan.

GANJARAN KECEMERLANGAN	KATEGORI	KEPERLUAN	SYARAT-SYARAT
PENDIDIKAN	Tahap Menengah		1. Peperiksaan mestilah diiktiraf oleh Kementerian Pendidikan Malaysia (KPM). 2. Tempoh penyerahan tuntutan mestilah dibuat dalam tempoh satu tahun dari tarikh keputusan peperiksaan.
	SPM	8 A	
	STAM	8 Mumtaz	
	STPM	4 A	
	Peperiksaan antarabangsa bersamaan dengan SPM/STPM	80% A bagi keseluruhan subjek	
	Tahap Universiti		1. Universiti mestilah diiktiraf oleh kerajaan Malaysia. 2. Hanya dibenarkan sekali tuntutan sahaja sepanjang tempoh sijil takaful.
	Peringkat Ijazah Sarjana Muda	Kelas pertama	
	Lain-lain		
	Ganjaran tunai apabila memasuki universiti	Universiti & tahap ijazah sarjana muda sahaja	
PENGAJIAN BERKAITAN AL- QURAN	Hafazan	30 Juzu'	1. Sijil Tahfiz Malaysia hendaklah dikeluarkan oleh Darul Quran. 2. Terpakai kepada universiti/ kolej dengan kerjasama Darul Quran. (tertakluk kepada terma & syarat yang dikenakan oleh Darul Quran). 3. Tempoh penyerahan tuntutan hendaklah dibuat dalam tempoh satu tahun dari tarikh pensijilan.
	Tilawah	Peringkat kebangsaan dan ke atas	1. Majlis hendaklah dianjurkan oleh Jabatan Agama Islam kerajaan Malaysia. 2. Boleh dituntut di atas penyertaan. 3. Tempoh penyerahan tuntutan hendaklah dibuat dalam tempoh satu tahun dari tarikh acara.
BERASASKAN KEMAHIRAN	Bidang sukan (termasuk e-sports)	Mewakili Malaysia atau dilantik oleh kelab profesional (termasuk acara olahraga para)	1. Acara mesti mendapat pengiktirafan daripada Kementerian Belia & Sukan. 2. Kelab profesional di Malaysia mestilah kelab berdaftar di bawah Pejabat Pendaftaran Pertubuhan Malaysia. 3. Boleh dituntut semasa penyertaan. 4. Bagi atlet para, orang yang dilindungi adalah pemegang kad Orang Kurang Upaya (OKU) berdaftar. 5. Tempoh penyerahan tuntutan hendaklah dibuat dalam tempoh satu tahun dari tarikh acara.

	Muzik	Diploma Profesional	1. Pensijilan profesional mesti diiktiraf oleh badan profesional yang berkaitan i.e., ABRSM, Trinity, London College of Music Examinations (LCME). 2. Tempoh penyerahan tuntutan hendaklah dibuat dalam tempoh satu tahun dari tarikh acara.
--	-------	---------------------	--

j. Manfaat pembayaran khas tidak tertakluk kepada yuran pengeluaran.

Nota: Senarai ini tidak menyeluruh. Sila rujuk kepada sijil takaful bagi mendapatkan senarai penuh terma-terma dan syarat-syarat yang terdapat di bawah sijil takaful ini. Helaian keterangan produk (PDS) ini mengandungi ringkasan produk dan bukan kontrak pelan takaful. Sijil takaful akan mengatasi dokumen ini.

7) Apakah pengecualian-pengecualian utama yang terdapat di dalam sijil takaful ini?

Manfaat kematian tidak akan dibayar sekiranya orang yang dilindungi/ peserta takaful meninggal dunia secara langsung atau tidak langsung akibat daripada membunuh diri sama ada siuman atau tidak siuman dalam tempoh dua belas (12) bulan dari tarikh sijil takaful dikeluarkan atau tarikh penguatkuasaan semula, yang mana kemudian.

Dalam keadaan yang demikian, amaun yang terkumpul di dalam dana individu peserta akan dibayar balik.

8) Bolehkah sijil takaful ini dibatalkan?

Penyertaan di dalam pelan sumbangan takaful berkala adalah komitmen kewangan jangka panjang, dan anda tidak digalakkan untuk menyertai sijil takaful ini dalam tempoh masa yang singkat kerana ia akan melibatkan kos permulaan yang tinggi. Ianya mungkin tidak akan menguntungkan untuk membatalkan atau menyerahkan kembali atau menggantikan sijil takaful anda dengan yang baru. Ini kerana anda akan kehilangan segala manfaat yang anda nikmati sebelum ini dan nilai penyerahan yang bakal anda terima mungkin kurang daripada jumlah sumbangan takaful yang telah anda bayar.

Jika anda merasakan pelan yang dipilih tidak lagi bersesuaian pada masa hadapan, anda boleh menyerahkan sijil takaful dengan memberikan notis bertulis kepada kami. Pihak syarikat akan mengembalikan amaun terkumpul di dalam dana individu peserta, jika ada, selepas ditolak yuran serahan. Sijil takaful termasuk semua rider yang dilampirkan kepada pelan asas (jika ada) akan ditamatkan.

9) Apakah yang perlu dilakukan sekiranya terdapat perubahan kepada maklumat untuk dihubungi?

Adalah penting anda memaklumkan kepada kami sebarang perubahan pada maklumat/alamat (termasuk bagi penama) untuk memastikan semua komunikasi perhubungan sampai kepada anda dan/atau penama dalam jangka masa ditetapkan.

Anda boleh berbuat demikian melalui wakil anda atau hubungi kami melalui telefon, emel atau hadir ke mana-mana cawangan kami. Sila rujuk item 10 bagi maklumat untuk dihubungi.

10) Bagaimanakah saya boleh mendapatkan maklumat lanjut?

Jika anda memerlukan maklumat tambahan mengenai takaful keluarga, sila rujuk kepada buku panduan *info insurers* mengenai 'Takaful Keluarga'. Anda boleh memperolehnya daripada wakil takaful kami atau lawati www.insuranceinfo.com.my

Sekiranya anda mempunyai sebarang pertanyaan, sila hubungi kami di:

Takaful Ikhlas Family Berhad (200201025412) (593075-U)

Jabatan Pengurusan Perhubungan Pelanggan,
IKHLAS Point, Tower 11A, Avenue 5, Bangsar South,
No. 8 Jalan Kerinchi, 59200 Kuala Lumpur.

Tel: +603-2723 9696

Faks: +603-2723 9998

Laman sesawang: www.takaful-ikhlas.com.my

Emel: ikhlascare@takaful-ikhlas.com.my

11) Produk seumpama yang boleh didapati.

Sila hubungi kami/wakil anda untuk pelan seumpama yang ditawarkan oleh pihak syarikat atau layari laman sesawang kami untuk mendapatkan maklumat selanjutnya.

NOTA PENTING:

PENYERTAAN DI DALAM PELAN TAKAFUL KELUARGA ADALAH MERUPAKAN KOMITMEN KEWANGAN JANGKA PANJANG. ANDA HARUS MEMILIH JENIS SIJIL TAKAFUL YANG BENAR-BENAR BERSESUAIAN DENGAN KEHENDAK ANDA. ANDA PERLU MEMBACA DAN MEMAHAMI SIJIL TAKAFUL DAN BERBINCANG DENGAN WAKIL ANDA ATAU HUBUNGI TAKAFUL IKHLAS FAMILY BERHAD SECARA TERUS UNTUK MAKLUMAT SELANJUTNYA.

MENURUT PERENGGAN 5 DARIPADA JADUAL 9 AKTA PERKHIDMATAN KEWANGAN ISLAM 2013, JIKA ANDA MEMOHON TAKAFUL INI SEPENUHNYA UNTUK TUJUAN YANG TIDAK BERKAITAN PERDAGANGAN, PERNIAGAAN ATAU PROFESION ANDA, ANDA MEMPUNYAI KEWAJIPAN UNTUK MENGAMBIL LANGKAH PENJAGAAN MUNASABAH UNTUK TIDAK MEMBUAT SALAH NYATAAN SEMASA MENJAWAB SOALAN-SOALAN DALAM BORANG CADANGAN (ATAU APABILA ANDA MEMOHON UNTUK TAKAFUL INI). ANDA DIKEHENDAKI MENJAWAB SOALAN-SOALAN DENGAN LENGKAP DAN TEPAT.

KEGAGALAN UNTUK MENGAMBIL PENJAGAAN MUNASABAH DALAM MENJAWAB SOALAN-SOALAN MUNGKIN MENGAKIBATKAN PEMBATALAN SIJIL TAKAFUL ANDA, PENOLAKAN ATAU PENGURANGAN TUNTUTAN, PERUBAHAN TERMA ATAU PENAMATAN SIJIL TAKAFUL ANDA.

KEWAJIPAN PENDEDAHAN DI ATAS ADALAH DIPERLUKAN SEMASA SIJIL TAKAFUL DIPOHON ATAU DIENDOS (DIUBAH).

SEBAGAI TAMBAHAN KEPADA SOALAN-SOALAN DI DALAM BORANG CADANGAN (ATAU APABILA ANDA MEMOHON UNTUK TAKAFUL INI), ANDA DIKEHENDAKI UNTUK MENDEDAHKAN APA-APA PERKARA LAIN YANG ANDA TAHU SEBAGAI BERKAITAN KEPADA KEPUTUSAN KAMI UNTUK MENERIMA ATAU TIDAK RISIKO INI DAN MENENTUKAN KADAR DAN TERMA YANG HENDAK DIPAKAI.

ANDA JUGA MEMPUNYAI KEWAJIPAN UNTUK SEGERA MEMBERITAHU KAMI SEKIRANYA SETELAH KONTRAK TAKAFUL ANDA DIBUAT, DIUBAH, ATAU DIPERBAHARUI DENGAN KAMI, APA-APA MAKLUMAT YANG DINYATAKAN DI DALAM BORANG CADANGAN INI (ATAU APABILA ANDA MEMOHON UNTUK TAKAFUL INI) TIDAK TEPAT ATAU TELAH BERUBAH.

Maklumat yang disediakan dalam Helaian Keterangan Produk ini adalah sah pada: 25/03/2025

Lampiran HUMK

Perlindungan

Manfaat HUMK/ sumbangan takaful masa hadapan akan dibayar secara sekaligus jika orang yang dilindungi/ peserta takaful mengalami Hilang Upaya Menyeluruh dan Kekal (HUMK) untuk sekurang-kurangnya enam (6) bulan berterusan. Manfaat HUMK/ sumbangan takaful masa hadapan adalah dibayar dari dana risiko. Rider ini akan ditamatkan semasa HUMK diluluskan.

Jumlah maksimum amaun perlindungan HUMK boleh dibayar daripada semua sijil takaful yang diluluskan oleh syarikat ke atas orang yang dilindungi/ peserta takaful yang sama haruslah tidak melebihi Dua Juta Ringgit Malaysia (RM2,000,000) untuk dewasa atau Lima Ratus Ribu Ringgit Malaysia (RM500,000) bagi kanak-kanak berumur enam belas (16) tahun dan ke bawah.

Jika orang yang dilindungi mengalami HUMK sebelum mencapai umur lima (5) tahun, amaun perlindungan HUMK akan dibayar mengikut jadual seperti berikut:

Umur semasa HUMK (Hari Jadi Akan Datang)	Peratusan Bayaran Manfaat
1 Tahun	20%
2 Tahun	40%
3 Tahun	60%
4 Tahun	80%
5 Tahun dan ke atas	100%

Tempoh Menunggu

Tempoh menunggu selama enam (6) bulan diguna pakai untuk tuntutan HUMK. Manfaat HUMK/ sumbangan takaful masa hadapan akan dibayar jika HUMK berterusan selama enam (6) bulan berturut-turut.

Pengecualian untuk HUMK

Manfaat HUMK/ sumbangan takaful masa hadapan tidak akan dibayar jika HUMK disebabkan secara langsung atau tidak langsung oleh mana-mana yang berikut: -

- Cubaan membunuh diri atau tindakan memudaratkan diri sendiri oleh orang yang dilindungi/ peserta takaful semasa siaman atau tidak siaman; atau
- Akibat penyalahgunaan dadah atau pengaruh alkohol; atau
- Penyertaan dalam sebarang kegiatan jenayah, rusuhan, rusuhan awam, pemberontakan, peperangan (sama ada diisytiharkan atau tidak), revolusi atau sebarang jenis operasi berbentuk peperangan, tindakan musuh asing, sebarang tindakan keganasan dan peperangan kimia; atau
- Melibatkan diri dalam sukan profesional, selam skuba, perlumbaan atau apa-apa jenis penerbangan udara selain daripada sebagai anggota kru atau sebagai penumpang berbayar pada pesawat komersial yang membawa penumpang berlesen yang beroperasi pada laluan yang dijadualkan atau apa-apa aktiviti sukan berbahaya (termasuk lompatan bungee, luncur udara, belon udara, payung terjun dan terjunan udara) melainkan jika kami bersetuju dengan persetujuan khas; atau
- HIV atau Sindrom Kurang Daya Tahan Penyakit (AIDS) dan sebarang keadaan berkaitan dengan AIDS.

Caj Sijil

Caj sijil bulanan sebanyak RM1 akan dikenakan untuk setiap rider.

Lampiran Penyakit Kritikal

Perlindungan

Sumbangan takaful masa hadapan akan dibayar jika peserta takaful didiagnos penyakit kritikal seperti yang ditakrifkan di definisi penyakit kritikal, semasa rider ini berkuatkuasa, dan hidup untuk sekurang-kurangnya tiga puluh (30) hari dari tarikh didiagnos atau pembedahan. Amaun yang dibayar adalah sumbangan takaful masa hadapan dan dibayar dari dana risiko. Rider ini akan ditamatkan pada tarikh diagnosis penyakit kritikal.

Jumlah maksimum amaun perlindungan dan manfaat penyakit kritikal boleh dibayar daripada semua sijil takaful yang diluluskan oleh syarikat ke atas peserta takaful yang sama haruslah tidak melebihi Satu Juta dan Lima Ratus Ribu Ringgit Malaysia (RM1,500,000).

Senarai Penyakit Kritikal yang Dilindungi

1	Strok/Angin Ahmar – mengakibatkan defisit neurologi kekal dengan simptom- simptom klinikal berterusan	19	Hilang Keupayaan Bertutur
2	Serangan Jantung – keterukan tertentu	20	Pembedahan Otak
3	Kegagalan Buah Pinggang – memerlukan dialisis atau transplan buah pinggang	21	Pembedahan Injap Jantung
4	Kanser – keterukan tertentu dan tidak melindungi kanser tahap awal	22	Kehilangan upaya hidup sendiri (berdikari)
5	Pembedahan Pintasan Arteri Koronari	23	Meningitis Bakteria – mengakibatkan ketidakupayaan kekal untuk melakukan aktiviti kehidupan harian
6	Penyakit Arteri Koronari Serius	24	Trauma Kepala Major (teruk) – mengakibatkan ketidakupayaan kekal untuk melakukan aktiviti kehidupan harian
7	Kegagalan Hati Tahap Akhir	25	Anemia Aplastik Kronik – mengakibatkan kegagalan kekal sumsum tulang
8	Hepatitis Viral Fulminan	26	Penyakit Neuron Motor – defisit neurologi kekal dengan simptom klinikal berterusan
9	Koma – mengakibatkan defisit neurologi kekal dengan simptom klinikal yang berterusan	27	Penyakit Parkinson – mengakibatkan ketidakupayaan kekal untuk melakukan aktiviti kehidupan harian
10	Tumor Otak Benign – keterukan tertentu	28	Penyakit Alzheimer / Demensia Teruk
11	Kelumpuhan Anggota	29	Distrofi Otot
12	Buta – kekal dan tidak boleh pulih	30	Pembedahan Aorta
13	Pekak – kekal dan tidak boleh pulih	31	Sklerosis Multipel
14	Kelecuran Tahap Ketiga – keterukan tertentu	32	Hipertensi Arteri Pulmonari Primer – keterukan tertentu
15	Jangkitan HIV Melalui Transfusi Darah	33	Penyakit Sistik Medular
16	Penyakit Paru-paru Tahap Akhir	34	Kardiomiopati – keterukan tertentu
17	Ensefalitis – mengakibatkan ketidakupayaan kekal untuk melakukan aktiviti kehidupan harian	35	Lupus Eritematosus Sistemik Dengan Komplikasi Buah Pinggang Yang Teruk
18	Transplan Organ Utama/Sumsum Tulang		

Tempoh Menunggu

Tiada sumbangan takaful masa hadapan akan dibayar jika penyakit kritikal berikut wujud atau didiagnos semasa tempoh menunggu iaitu enam puluh (60) hari dari tarikh kuat kuasa rider atau tarikh penguatkuasaan semula, yang mana kemudian:

- Angioplasti dan rawatan invasif lain untuk penyakit arteri koronari; atau
- Pembedahan Pintasan Arteri Koronari; atau
- Kanser - keterukan tertentu dan tidak melindungi kanser tahap awal; atau
- Penyakit Arteri Koronari Serius; atau
- Serangan Jantung - keterukan tertentu.

Selain dari yang di atas, tiga puluh (30) hari tempoh menunggu akan diguna pakai, kecuali yang disebabkan oleh kemalangan.

Pengecualian Utama untuk Penyakit Kritikal

Sumbangan takaful masa hadapan tidak akan dibayar jika penyakit kritikal disebabkan secara langsung atau tidak langsung dari mana-mana yang berikut: -

- a. Disebabkan oleh atau lanjutan daripada cubaan membunuh diri atau mencederakan diri sendiri dengan sengaja atau di bawah pengaruh alkohol atau narkotik atau dadah atau ketidaksiuman atau disebabkan oleh penyakit kelamin; atau
- b. Sebarang pelanggaran undang-undang oleh peserta takaful atau kesalahan yang ditimbulkan olehnya; atau
- c. Sebarang keadaan sedia wujud yang bermula sebelum tarikh kuat kuasa rider atau tarikh penguatkuasaan semula rider, yang mana kemudian; atau
- d. Jika penyakit tersebut didiagnos dalam tempoh menunggu kecuali yang disebabkan oleh kemalangan.

Nota: Senarai ini tidak menyeluruh. Sila rujuk kepada sijil rider bagi mendapatkan senarai lengkap pengecualian di bawah sijil rider ini.

Caj Sijil

Caj sijil bulanan sebanyak RM1 akan dikenakan untuk setiap rider.